

武甯縣志卷之十九

武甯縣知縣粵東何慶朝纂

武事

巖疆小邑僻處郡西穹林疊巘川谷逶迤吳楚疆鎖興
瑞籓籬烽火一熾草竊攸歸佳兵不祥無備亦危先事
候情往蹟可稽我

朝長治文德誕施黃童白叟不識征鼙邑於海內鷓鴣一枝
綢繆陰雨尙克庇之志武事

漢延禧五年壬寅秋八月艾城賊焚長沙郡寇益陽殺令

桓帝紀

按東觀漢記曰時賊乘刺史車屯據臨湘居太守舍
賊萬人以上屯益陽殺長吏艾縣名屬豫章郡故城

武甯縣志

卷十九

武事

四百三十一

在今洪州建昌縣省志云綱目書於五年之夏帝紀
在八月艾縣今之甯州武甯地春秋傳吳公子出居
於艾卽此通志

七年甲辰夏五月

帝紀在秋七月

荆州刺史度尙擊艾縣賊平之

按後漢書度尙傳延熹五年長沙零陵賊合七八千
人自稱將軍遣御史中丞盛修募兵討之不能克豫
章艾縣六百餘人應募而不得賞直怨恚遂反焚燒
長沙郡縣寇益陽殺令眾漸盛又遣謁者馬睦督荆
州刺史劉度擊之軍敗睦度奔走尙書朱穆舉尙擢
爲荊州刺史尙躬率部曲與同勞逸廣募諸蠻明設
購賞進擊大破之降者數萬人尙出兵三年羣寇悉
定七年封右鄉侯通志

建安四年己卯廬江太守劉勲襲海昏上繚

江表傳云劉勲糧食少遣從弟偕告糴於豫章太守華歆歆遣使將偕就海昏上繚出穀三萬斛與偕偕乃報勲使來襲取勲得書潛軍到海昏宗帥空壁藏匿了無所得初太史慈從豫章還見孫策曰華子魚良德也然非籌畧才丹陽僮芝自擅廬陵詳言被詔書爲太守鄱陽帥別立宗部阻兵守界海昏有上繚壁五六千家相聚結作宗伍惟輸租布於郡耳欲發召一人遂不可得子魚亦熟視之而已策撫掌大笑遂有兼併之志

按海昏上繚今之武甯建昌地

八年癸未孫權過豫章以太史慈領海昏

太史慈傳云劉表從子磐數寇艾西安諸縣至是分海

武甯縣志

卷十九

武事

二

四百五十七

昏建昌左右六縣以慈爲建昌都尉治海昏并督諸將拒磐磐絕跡不復爲寇

晉建興三年乙亥臨川內史謝摛與賊杜歿將杜宏張彥興戰於海昏敗績死之

宋紹興元年辛亥江淮招討副使岳飛追斬李成將趙萬等於朱家山餘黨田奉新奔江州岳飛追斬之過武甯

見宋史本傳并金陀編

賊分遣所部寇武甯城幾陷飛復領兵由閒道壓境三十里水暴漲寇賊以神兵至遁去

馮志

按朱家山在縣治南八十里與奉靖毗連地勢險阻李成兵敗走由閒道過其地武穆王追殺之文舊志稱岳兵由閒道至武甯此必追殺趙萬之後餘黨

奉新奔江州者以武穆南返遂乘閒寇城及遣兵至
又遁去矣

元至正十二年壬辰永興賊張普獻寇武甯達魯花赤帖
木兒主簿楚彥死之

賊攻城達魯花赤召主簿至謂曰寇徧矣與若受國恩
委身報効不敢不勉募義士及驍勇民兵擊賊戰於東
門不克皆死之

是年秋斬黃賊鄒普勝自稱元帥遣其黨白興國出武
甯犯奉新豐城入南昌攻城

十九年己亥胡紹遠率鄉兵與偽漢陳友諒戰於建昌麻
潭洲敗績兄弟皆沒於陣御史大夫帖里帖木兒以聞
贈紹遠中書右丞相

武甯縣志

卷十九

武事

三

四百六

按至元閒因達魯花赤遇害武甯寇賊蠡起民多流
亡江陰鄉胡紹遠素有胆畧兄弟倡義結寨武安山
豪傑響應五六年間村落安堵

二十年庚子江西行省命脫落合察兒討武甯叛賊董琦
平之授虎符江州萬戶達魯花赤元史本紀

二十二年壬寅甯州土豪陳龍以分甯奉新通城靖安德
安武甯六縣降豫章書

二十四年甲辰明太祖遣常遇春鄧愈討熊天瑞獲李明
道於武甯山中殺之

明正德五年庚午高安賊陳福一羅長一奉新胡雪三嘯
聚華林山寇武甯知縣毛丕功禦之賊奔據盛母王夫廟碑增

萬曆二年甲戌賊李大鑾聚黨於邑西南之大湖塘石門

時出剽掠遠近受害守備鄧子龍率兵營於黃竹哨平之

崇禎十六年癸未靖安賊李宿七聚黨數千人於乾州攻掠旁縣武甯營哨官雷勝張子璉領兵討之不克沒於陣

國朝順治元年甲申羅朝貴作亂二年就撫尋斬之

初羅朝貴自幼焚傷左手臂指如薑鄉人呼曰羅薑子及長素狡悍乘亂立寨太平山四出劫掠年豐順義受禍尤酷次年就撫授都司隨征甯州奉鄉山寨貴挺身奮勇連破三寨尋疑其反覆斬於州之黃土嶺

五月闖賊餘黨步騎數萬由湖廣興國抵縣沿途殺掠初六日城陷焚學宮民舍屠戮村落駐營五日復取道太

武甯縣志

卷十九

武事

四

四百四十三

平山西去城市爲墟死者枕籍獨河以南水暴漲賊不能渡獲免六月賊後隊出牛頭峽由巾口渡河入瓜源七月移駐上南鄉所過焚掠慘毒十一月昇仁鄉土賊劉照華糾聚興瑞柯賊入南鄉寇靖安礮坑鄉勇邀擊賊潰賊首就撫斬之

三年丙戌柯賊柏先烏合昇仁鄉羣寇攻縣焚官民廬舍大肆劫掠知縣孔貞恒請兵迎勦盡殲之禽柏先磔於市

四年丁亥守備鄧雲龍叛知縣任天祚棄官歸

雲龍金谿人素無行流落武甯邑人皆奴隸視之及得官授武甯守備志圖報復統兵千人至縣佔民房屋派供應會江西提督金聲

但叛雲龍授偽劄爲都督勢益

驕偽置官屬副將以下縛知縣任天祚索餉任曰我朝廷命官不可辱也生員盛彌科張安世羅懋備杜棟陳六奇汪起龍諸人九八八二集明倫堂號於眾曰縣尹一邑之父母也今至於此尚忍與此賊俱生乎欲與雲龍決死迺得釋任遂棄官歸

五年戊子雲龍寇建昌官軍大破之

初雲龍既受偽劄遂勒令妻妾九人自投縲死號於眾曰吾殺妻報國率所部萬人東下沿塗大掠至建昌陳橋遇大兵不戰而奔我兵追之大破賊於猴子山殲賊殆盡尸委積河水不流雲龍僅以身免

六年己丑春雲龍踞甯州秋大將軍譚泰降其眾以雲龍歸

武甯縣志

卷十九

武事

五

四百四十一

雲龍既敗盡殺所掠婦女退保甯州金聲桓誅雲龍懼得烈朝五王子執之詣大將軍譚泰營納款武甯甯州之害始除

按雲龍之害不減於闖獻二賊武甯剝膚之慘至此極矣吞舟之魚卒以漏網蓋盜跖壽終有天幸云

康熙十三年甲寅十一月十五日白頭兵屯瓜源口知縣鮑泓守備馬文燦擊敗之

初江西總兵官楊富謀反事覺被誅餘黨竄靖安以白布裹頭號白頭兵僞武界把總陳助國同鄉勇分防朱家山隘口賊又開道入瓜源知縣鮑泓留典史張惟慶守城親率鄉勇七百人隨守備馬文燦兵擊敗之生禽三人獲裹頭網巾白布無算

十四年乙卯夏五月十六賊圍武甯知縣鮑泓守備馬文
燦禦之賊潰追殺之無算生禽其黨二十三人

賊既據銅鼓營陷甯州乘勝東下直逼武甯分軍南市
時勁卒散處各泚老弱不上百人泓乃爲疑兵捲箕爲
筒黑其外表以石使重如砲然復張旗幟雜民伍中潛
出拱宸門由孟家灣入宣和門環迴出沒絡繹不絕相
持五晝夜會都統朱某援兵至賊退文燦分鐵騎邀賊
歸路身率營弁直擣賊營追至茶培港大敗之港水爲
赤生禽二十三人餘黨退走甯州

冬十一月二十二日賊復圍武甯知縣鮑泓守備馬文燦
大敗之賊遁去

是役也靖賊劉往七攻建昌安義與甯州賊互爲聲援

武甯縣志

卷十九

武事

六

四百六十九

勢復猖獗遂由朱家山直趨武甯南市適河水暴漲不
得渡遂隔河而陣勢甚張文燦督兵守禦晌午水漸殺
飛騎從東關淺水渡河繞出賊背親率部卒鄉勇數百
人由西關渡持火器衝入賊營以騎兵從後夾擊大破
之賊潰斬首數百級盡得其器械以歸賊遁去

十五年招撫流亡

十六年大兵駐武甯招撫羣寇境內悉平

按舊志叙寇變甚多疎畧諸薦紳採後漢書三國志
荀悅漢紀朱子綱目悉爲增入其用力勤矣志以紀
實主客宜分因爲損益以補闕遺亦文省事詳之微
旨也白頭兵變南郡七州縣戎馬蹂躪村落半爲坵
墟諸里老猶有能傳其事者區區武邑以守則固以

戰則強一時鄉勇諸人悉能殲賊或倚山設伏或禽獲賊魁定變畧所載不勝書也講武卽戎習於平日其風自上其流及下赫然保障一方蓋前令鮑公守府馬公之遺烈云

梁志

袁曄獻帝春秋云初豫章太守周術病卒劉表上諸葛元爲豫章太守治南昌漢朝聞周術死遣朱皓代元皓從揚州刺史劉繇求兵擊元元退屯西城皓入南昌建安二年正月西城民殺元送首詣繇

按寰宇記云武甯縣西二十里有西安故城漢獻帝建安中置疑卽此城也以其在豫章郡西故曰西城又吳志潘璋傳云劉表在荊州西安民數被寇元之退屯西城欲倚表爲援民益恐致寇故攻而殺之也

武甯縣志

卷十九

武事

七

四百六十九

以時事考之正無不合

補遺

吳書程普傳普從征江夏還豫章代太史慈備海昏

景定元年春二月元軍過甯武甯二縣河湖砦都監權

巡檢張興宗死之

宋理宗紀

補遺

順治四年春正月壬子湖廣總兵官柯永盛奏報興國州等處寨寇悉平下兵部議叙

初陳友諒遺孽分爲柯陳二姓盤踞江西武甯湖廣興國而居興國者尤蕃衍黠悍迄明之世爲患將三百年有柯抱冲者與何騰蛟結連自立爲王以其黨陳珩玉爲帥倚山結寨焚劫郡縣攻陷興國州殺武昌同知張夢白勢甚猖獗鎮臣柯永盛同按臣吳贊元遣將征勦十日內凡八戰皆敗之俘斬無算焚其巢穴生擒抱冲

珩玉斬之餘黨悉平前後獲婦女四百餘口騾馬二百匹頭俱分給有功將士及陣亡官兵家

見實錄

補遺

嘉慶三年秋七月有楚匪潛甯州渠魁劉聯登率其黨焚劫陳坊等處知縣王寰練團防堵

邑西南接壤聞風驚惶知縣王諭四民毋息業罷市城以內兩家出一人守城塽五酉上卯下魚貫聯絡城以外十家出五人使擊柝鳴鉦遠近羅守以爲聲勢請邑紳士林二存等籌借軍需監生程式里長曾松岳集鄉勇車凌雲捐飯食防南茶生員邢浣濤集鄉勇防東坑角溪梁溪三緝南冲董家洞又召鄉勇防長坪猴石羅洞車碓下郭頭出蔣家洞請於撫軍張誠基前後命武弁范得龍黃建忠葉春榮調鄱湖饒州吉安萬安贛州

武甯縣志

卷十九

武事

八

五百

撫標左營兵約二百有奇屬都司鮑友仁派防南茶清江九樓白水黃沙斜石牛市嶺松木店石門樓諸隘口方寇熾日探賊陳位才旣獲遂無敢越境者撫軍自平甯州返過武王令購備供給持殊票符示不短價撫軍兵王大發等橫索毆家丁王令重懲之而後告軍令始肅民情大安同時湖北蒲圻縣洋泉團賊焚劫紅巖村武甯毗連興國通山及報事定乃撤防

據冊新增

道光二十一年冬湖北崇陽縣鍾人杰等倡亂知縣王師道練勇防守太陽山

邑西界通山太陽山等處最爲扼要邑侯王公練勇葺城垣諭令居民家置器械以助時署臬司葉南昌府倪及大兵輜重取道武甯併協同王公往太陽山設法防

堵至次年春羣醜就縛民心始安
新增

咸豐三年癸丑春正月粵西賊竄九江邑匪周逢春等煽亂

邑自康熙以來承平日久及粵西賊起奸民乘機竊發正月十一粵賊破潯陽十三日周逢春等大城搶商富拒捕攻潰官兵邑侯諸葛槐傷十月饒州分府張賦林奉委調兵焚勦之以紳士邱攀桂陳大畧鄭奠邱際昌等為鄉道戮奸民二百餘人梟其黨張定成等逢春逃四年甲寅春二月賊殺典史湯道增箸田坂

邑北鄙界興國龍港土匪叢聚為變二月典史道增督勇防堵箸田坂賊猝至不及防殺之

武甯縣志

卷十九

武事

九

四百十五

賊由通山入木高殺成鶴立

通山土匪盧拐子聚黨三百人二月初四由九宮山入木高前任湖北巡檢成鶴立時在籍謀禦之被擒見殺賊竄甯州擊敗遁

三月賊由興國入縣城尋竄甯州敗奔

周逢春逃匿興國龍港奉陳文金為賊首嘯聚千餘人三月初三出橫路鄉圍堵禦不克入踞縣城焚燒官民廬舍尋以甯州茶商銀貨雲集率眾趨三都團勇擊敗奔龍港

夏四月賊由興國攻城知府劉熾昌都閩宋光玉海通力禦敗績皆死之

土匪張青元黃祖紳棚民王信全皆黠悍善拳因搶案

往附陳文金黨四月十一由豐良趨縣城熾昌光玉海
通分禦東南門大敗熾昌光玉沒於陣通赴水死鄉勇
羅燭子力戰亡其弟亨始賊分黨焚掠建富一帶仍窺
甯州團勇擊敗奔龍港

五月賊擾余家橋余派烈戰死

昇仁鄉派烈精拳棒五月十五賊率千餘人入余家橋
余鏡蓉與派烈督團勇擊之派烈手刃數人力竭而死
賊踞巾口舉人余瓚馨渡潭埠河擊之敗績

土匪畢家森附陳文金黨分股踞巾口五月廿七長樂
鄉瓚馨率子廩生余源等督團勇千餘人由潭埠渡河
繞擊賊皆披靡尋以後濟甫列賊橫挑之大敗余源等
二百七十四人皆沒

武甯縣志

卷十九

武事

十

四百五十四

六月官軍克復縣城

卽補都閩富克金泰奉委統帶章武軍邑進士前任湖
南知縣劉馨朝奉委帶寶勇及錢某水勇數十艘來復
縣城六月初五與賊戰城下攻走之

南昌府知府史致鏐臨縣督辦團練舉人陳鴻緒立局

先是北鄉孝廉方正杜中毓起團練局因病解散六月
十一史知府來縣督辦諭定石鮮米攤費錢叁千文以
資勇糧順義鄉舉人陳鴻緒集邑紳董復立城內總局
鄉都分局籌餉調勇互相呼應團練漸有規模

秋七月賊復攻城都閩富克金泰把總哈玉麟馬春坊邑
進士前任湖南知縣劉馨朝皆死之城陷

陳文金等偵知府憲史帶兵還省十九日引粵西長髮

老賊七百人攻縣金泰督章武軍出東門礮朝督寶勇出北門奮力鏖戰自辰至午炮轟斃賊百餘人以火藥盡大敗殺傷溺水死者甚衆金泰玉麟春坊礮朝皆沒錢某水勇還省周逢春等遂踞城肆行報復苛責供給時練局初起人心不一賊勢甚爲猖獗

土匪寇四鄉

縣城旣陷土寇益張黃祖紳與周逢春等率匪黨五六千人寇靖安敗走掠平坑而出遂由南岸西上北岸東下徧戶駐擾焚殺仇怨汪道淮朱昌發等踞石羊洞出沒爲寇張濟湖擾余田坂吳逆首掠瓜源及昇仁下鄉王信全焚北鄉大棠張定元起上南鄉葉加文志文劫戴源張備五冷功明聶才堅迭擾昇仁各都四鄉蹂躪

武甯縣志

卷十九

武事

十一

四百四九

民甚苦之

王慶恩擊賊破石

僞檢點何逆首千餘人踞箸溪市安樂鄉慶恩族居破石督團勇五六百人與賊隔河相持三晝夜七月廿一渡河擊賊會賊渡上流入境遂反戈迎擊婦孺皆擲石助鬥尋賊別股繞後環攻團勇大敗陣亡壹百八十二名婦女一百廿三名

閏七月黃大觀同遊擊馬占魁擊賊澧溪

年豐鄉大觀以所居船市爲楚匪往甯州衝衢與鄰都徐車程雷黃等姓相團練屢挫賊鋒十四日賊首王義靈帶悍賊數百人踞澧溪市大觀稟請駐防甯州遊府馬督甯州團勇同日進擊賊賊殆盡義靈僅以身免

八月舉人熊傳渭擊賊大橋河

羅賊統千餘人由瑞昌入大橋河昇仁鄉傳渭同職員劉重民盧寶書等督團勇擊之賊遁

都閩吳錫光克復縣城

賊踞南市造浮橋爲犄角九月初六錫光帶新勝軍四百人自甯州入境督西南兩鄉團勇千餘人由南岸東下擊賊長崙上敗之直趨南市渡斃賊二十餘人賊棄城宵遁

監生鄭奠武生董志英等追賊清江

賊率千餘人由澧溪窺甯州奠合志英團勇擊敗之追至清江而還

九月按察司惲光宸臨縣督辦勦撫

武甯縣志

卷十九

武事

十一

四百〇一

自周逢春倡亂黃祖紳張青元等附之各鄉都匪徒迭起按察惲臨縣勦撫兼施諭令各都另募三十名入守縣城以壯軍聲

官軍勦賊昇仁鄉

賊聚昇仁甚夥九月廿二都閩吳錫光率兵次橫路遇賊擊斬百餘人賊又至敗之俘三十餘人時靖安奉新縣令奉札調兵來援章武軍踵至昇仁鄉團勇隨官兵進紫鹿嶺錫光進紫橫路賊盡竄二十都復進又敗之追至興國界

冬十月前武甯縣知縣候補府林懋勳及舉人柯芬等駐防橫路

賊又大聚瑞昌界十四日臬憲調前令候補府懋勳及

游擊馬占魁鎮都閩張大雄督兵次瑞昌小坳賊聞遁去尋大雄還縣林馬駐防橫路十五日臬憲統兵還省諭昇仁鄉芬與監生張雲漢及鄭奠董志英等各督練勇百名赴橫路以翼官兵

巡撫陳啟邁給犒銀

中丞以武甯團練出力爲江西州縣之冠特賞犒軍銀七百兩有奇後又給張雲漢勇糧銀二百兩

五年乙卯春正月知縣王宇英捕匪

王令果斷有識各鄉捕送害民渠魁無不立決後乃溺殺之計誅數十百人由是邑中始靖初臬憲惲光宸購取周逢春張青元黃祖紳三人與畢家森先後就撫至是邑令以青元反覆殺之尋祖紳家森遁逢春亦逃亡

武甯縣志

卷十九

武事

十三

四百三十

死

二月官軍駐防路口進營紐絲嶺擊賊王橋不利退屯山口熊遠汀戰死

楚匪劉宗昆與黃祖紳等大股聚龍港府憲林懋勳率鄭奠董志英督練勇二百名進次路口遊擊馬占魁進營紐絲嶺時賊勢張甚林公檄調總局年豐鄉副貢李文翰北鄉武童黃祖玉募勇各督百名星馳路口二月初三馬游擊率昇仁鄉洪定傑等督勇進追楚界王橋職員熊遠汀戰死賊遂乘勝入踞紐絲嶺戴家源尋年豐文童陳應丁順義武舉陳旭鼇武生汪觀海皆赴路口助勦

官軍練勇擊賊戴家源進擊紐絲嶺武生汪觀海戰死

府憲林懋勳以賊逼處調李文翰等各營與官兵擊賊戴家源昇仁鄉廩生聶鵬南率團勇會攻殺賊三十餘人追奔十餘里進擊紐絲嶺隊伍不齊敗北觀海手刃數賊被圍死

官軍練勇滙營橫路

二月廿一夜賊撲路口練勇擊走之時官紳會議路口道狹旁皆水田不利馳突惟橫路阻一面以制三面戰守皆宜故兵勇合紮橫路廿五夜賊乘黑闐鼓噪劫營幾為動廿六日林憲調黃大觀昇仁張雲漢武生林得春各率團勇北鄉廩生黃先鐸武童羅燭予赴營督勇以壯軍聲

三月賊攻橫路營兵勇奮擊之大克

武甯縣志

卷十九

武事

十四

四百

賊萬餘人分三路撲營對面山源及由坂中攻西北陔者先至練勇皆裸露冒雨大呼奮攻官兵躡其後尋對面下山源賊直趨東陔將截歸路練勇炮斃賊旗手敗之各隊電製雷奔殺老賊劉宗昆等百餘人獲馬六匹黃旗數十面賊遁

巡撫陳啟邁給犒銀

中丞以兵勇大捷給犒軍銀壹千兩

設釐局

軍興日久勇費支絀南昌知府許本埔准設南市箬溪兩卡抽取商貨釐金亂平卽撤

勦禦四鄉隘賊

賊屢犯各隘前月廿五日府憲林懋勳調羅燭予擊賊

山口廿六黃大觀同戴德魁等勦餘黑伊山源鎮都關
張大雄搜討石洋洞又遣黃祖玉明大魁等攻走石橋
三月初一蹶賊路口初五復調大觀防堵九宮山十五
日昇仁舉人熊傳渭廩生陳世球等率團勇擊羊腸山
熊世和迭戰力盡被殺熊傳東被賊支解十六賊入馬
脊又破走之林公以墜馬傷右臂還縣

夏五月援甯州攻鳳凰山不克

賊圍州城四面營壘重密中丞陳啟邁給餉銀壹千七
百兩檄太守林懋勳率陳應丁董志英黃大觀等及各
鄉紳董督勇數千人往援十九日攻城北鳳皇山不利
旋攻南岸猪婆坦小水嶺健勇李高發戰死又攻梅嶺
抱子石皆不克

武甯縣志 卷十九

武事

五

四百十四

兵勇擊賊橫路大克之

賊入梓板遊擊馬占魁與鄭奠張雲漢林得春田逢春
率兵勇捕勦五月初四賊萬餘人攻橫路營馬遊擊督
兵前進居中鄭奠等率勇居右張九華郁彬瑞嵐督團
勇靜伏山源生員夏秉離以勇繼之大捷殺逆匪畢家
森等百七十四人奪偽印大小十餘顆旗幟文書各物
無算

巡撫陳啟邁給犒銀

邑自軍興以來屢膺犒賞至是復給銀千兩以昭激勸
亦以見地當吳楚小隘團練實不容疎也

五月兵勇擊賊年豐隘

甯州城陷賊遂入太陽山黃沙小九宮石良山各隘十

三日府憲林懋勳督黃大觀及年豐各都團勇連日追
勦俘斬甚衆賊遂不敢犯境

秋七月兵勇擊賊坳頭

甯州賊猝入坳頭將襲縣城遊擊馬占魁統黃大觀戴
德魁明大奎等率兵勇擊敗之賊遁

兵勇隨按察使羅澤南營克復甯州

行營廉訪羅公統大兵由縣赴甯州林憲率邑舉人陳
鴻緒廩生黃先鐸等練勇隨進初八日羅軍敗賊於梁
口林憲循河北上擊賊敗之十六日由梅嶺攻克鳳皇
山羅軍從西門攻入賊悉敗走

九月進勦朝坑

遊擊馬占魁統兵由茅坑鄭奠張雲漢率勇繞道入朝

武甯縣志

卷十九

武事

六

四百廿八

坑柯芬夏秉離等領鄉團從聶文藻洪定傑張九華熊
遠光就地募勇以爲犄角焚其巢穴生擒賊二十餘
名

六年丙辰春二月賊逼縣城都司張大雄遊擊馬占魁移
橫路營攻于東門不克城陷

興國賊竄沙子背另股由小坳擾昇仁大雄占魁同鄭
奠董志英等督橫路營進追二月初二賊乘機由下昇
仁黑夜兼程辰刻近城橫路營聞警跟追抵東門賊呼
譟衝突兵勇潰邑侯汪走避烟港里紳陳葆元同局紳
起掃地勇護邑侯東下賊退初八日我軍接仗七里壩
失利邑令先城勇走城遂陷

賊由通山寇年豐殺貢生辛從業

賊仇團練焚劫裹脅年豐離城較遠賊分股統萬人由通山人從業起鄉團被賊擒遇害

賊踞澧溪團勇迭擊之練長盛啟孝蘇家浩戰死

偽檢點何某率賊萬餘人自甯州竄踞澧溪縱橫數十里肆行擄掠二月十六日二十八都三十一都團勇數千人擊賊三江口賊棄物佯敗頭將啟孝拾襖被繫肩

奮追賊反戈被殺後擊賊西邊源斬五十餘人三十四

三十五都蘇喻王改張陳等姓起團勇擊賊仙人潭追至龜頸浮橋殊大版擁至家浩等戰沒賊逸去

三月團勇擊賊清江

賊由澧溪入清江三十四三十五三十八都胡余范吳

楊徐等姓團勇

敗績焚燒廬舍十餘里

武甯縣志

卷十九

武事

十七

四百八十二

賊踞城

鄰縣俱爲賊有人城圖久踞立僞監軍佯爲安定仍復分股臨鄉誅求悉索居民鹿挺無地惟昇仁年豐北鄉蹂躪更慘

夏四月復起鄉團

城陷後練首皆設法謀復仍於遠鄉起團自衛年豐黃大觀順義陳世璇募勇殺賊多名廿八都貢生楊維翰擊賊走馬岡殺逆首李曾沂等三十五名長樂鄉長墅源盧宣渭賊至不甘供給自焚其巢昇仁夏秉離林得春亦屢捕擊賊不敢恣

秋七月賊由箬市渡河擾長樂中泮

賊聞甯州克復不敢踞城大股絡繹歸湖北邑匪張佩

五統賊駐箬溪市渡河擾長樂中泮焚燒廬舍殺斃多人團首盧姓起鄉團悉力禦敵遂遁

八月舉人柯芬邑紳黃大觀等同義甯監生陳紹曾帶勇進追澧溪鄉團滙長崙賊潰收復縣城仍立總局

賊自二月陷城盤踞日久鄉團四路攻擊不得入芬同大觀周尙文張復勝黃亮明等由年豐三十一二等都密約團勇潛往義甯曾同紹曾帶平江義甯各勇追賊澧溪長樂垵樂兼善李文溥等籌餉督勇同進遞滙長崙賊由東門遁歸興國城遂復陳鴻緒同邑紳董等仍設城局籌餉以資勇糧調陳紹曾營駐南市嶺芬督鄉團另堵各隘大觀帶領團勇馳赴省垣迎奉邑主

九月軍功黃亮明擊賊豐良樞路

武甯縣志

卷十九

武事

十六

學斃賊數
之賊逸

團勇拒賊石良山大克

石良山在年豐鄉之三十一都界連楚省與國通山崇陽等處九月賊由興國之郭源黃連洞地方統帶長髮多人入境紳士陳大謨會同監生阮品堂傳經六軍功王東山戴彩華集團男禦之大克生擒長髮六名解

正法

廩生吳希顏防勦靖安

上南一區毗連靖安希顏隨把總藍公進擊復奉憲扎駐防安義建昌

冬十月拒賊芭蕉武生林得春戰死

黃祖紳冷功明聶才堅張定浩等統賊數千分擾昇仁
抵芭蕉鄉團二千餘人進擊一由石橋抄賊後路一由
清溪港直攻眾寡不敵得春陣亡

十一月城陷知縣冑溶同舉人劉馨翰州同陳葆元文童
陳應丁等率練勇退紮澧溪

張定浩統大股賊由瑞昌犯紫鹿嶺又另股由建昌入
草坪團勇攻擊且戰且走退守潘垵港殊賊設伏多方
力戰不克城遂陷邑侯冑公及馨翰葆元大觀等退紮
澧溪同圖克復

團勇擊賊官塘坪大克之城遂復

邑侯冑益募分哨四面團勇自澧溪協同統帶柯芬黃
大觀趨紮石市賊偵知遣大股追截我軍後路邑侯先

武甯縣志

卷十九

武事

十九

四百三十三

機在搖派令柯芬黃大觀及黃亮明張復勝聶和煦周
尙文戴得魁羅燭予黃厚祥等由白石港渡北岸與廿
五都要擊之于官塘坪俘賊三百餘人屍橫遍野適邑
紳鄭奠奉委督義武營由上南朱家山入境遂同追賊
至羅垵紮駐城賊翌辰驚遁

十二月賊由建昌犯境委帶義武營鄭奠擊賊于步嶺大
克之

黃祖紳統老賊萬人由建昌入邑侯冑公溶撥勇追桂
塘不克練長徐達邦戰死賊乘勝抵碧田連營三十里
莫同黃大觀亮明及柯芬等督練勇三路迎擊於千步
嶺俘賊七百餘人賊遁九江

七年丁巳冬十一月臨江竄賊張發繼由瑞昌寇涇源

生黃先鐸統勇禦之柯舒錦等率鄉團助勦

臨江踞賊偽檢點張發繼潰出統賊數千繞道瑞昌寇
筱源時城勇方遣散廩生黃先鐸同楊維翰陳葆元李
谷人陳蔚章李又新陳世璇易元春等統團勇防剿柯
舒錦等率眾助之璇身先諸勇俘馘百餘名賊遁興國
八年戊午春二月擒張發繼

昇仁柯舒錦柯申于篠源起團甲局日夜運籌遣其嬰
柯際餘偵賊所舒錦等率勇捕之并擒其黨三人邑侯
冑溶同羅燭予等解省正法

奏報鄉團請獎

邑自團練以來糜費約三十餘萬陣亡紳勇千餘人殉
難節烈七百餘口焚燒廬舍以萬計雖劫掠愈甚團練

武甯縣志

卷十九

武事

二十

四十四

愈固 大憲奏請從優獎勵加廣學額永遠入名府學
五名推廣百六名江西永遠舉人一名文武官階七百
餘員蓋亦

國家酌庸之盛典也

十一年辛酉夏四月賊由朱家山犯羅溪知縣翁延緒協
同邑紳董元桂等設局募勇委生員熊家魁統勇千餘人
禦於盤山嘴敗績城守外委張青保舉把總阮先卓死之

四月十一日奉新踞賊分股竄靖安由朱家山入羅溪
監生葛方授同施偉才羅仲明李錫予張汝洋等練勇
千餘人防堵不勝陣亡一百三名被害婦女十餘口賊
乘勝進犯一圖廩生羅瑞芬督勇禦之斃賊數名遂焚
上陽屋廬逸去十二日賊抵盤山嘴邑侯翁公延緒遣

生員熊家魁同把總熊萬鵬唐人傑武舉湯和鸞武生唐繩武軍功方一元縣丞陳世璇及保舉把總阮先卓城守外委張青等統兵馳禦敗績青先卓戰死魁身被十賊踞南市渡河城陷二創走免

賊自下南鄉山口陳坊藍田下羅橋頭鄧埠沿途殺掠抵南市渡河北鄉羅燭予董志英明鳳揚等督勇數千分隊策應一由七里山崙頭一由新開嶺鏖戰良久因賊先踞四望山不能前進遂陷城陣亡勇丁李枝榮等團勇禦賊劉家樹下武生李之豐軍功李駢皆等戰死賊黎明蜂擁次甫田橋乘各團勇未集二十五都羅燭予等效死拒敵陳于劉家樹下陣亡駢皆等百五十人之豐力竭被害

武甯縣志

卷十九

武事

二

四百十五

賊大股駐月田擾江陰鄉

嚴陽東坑鶴溪三眷等處依山爲險各自防衛聯絡團勇賊駐月田相持連日江陰之薊田石楓桐林各村互相呼應南冲武生邢國瑞率勇數千助勦殺賊百餘人次日復集鄉團衝入月田生擒賊七名陣亡崔寬球十數人

賊踞城

甲寅丙辰後不數年復經兵燹然荼毒較甚踞城日夜捉人居民逃避每日出夜歸賊知于昧爽時伺戶潛捕或叢林半墩佯爲呼喚偶有應聲輒搜尋被獲裹去萬餘人

五月僞忠王李秀成統大股賊擾昇仁

秀成自湖北前出義甯入年豐駐兵船市等處擄殺經
旬居民逃據遼山自衛被賊仰攻殺斃四百餘人復薰
斃船市東岸崖洞七十餘人至是由湖北敗歸復擾昇
仁蜩毛飄忽約數十萬人道經縣城南渡

六月圍勇捕賊王婆橋

賊經昇仁鄉洞口三源團勇伏王婆橋捕賊斬首數十
級賊焚廬室以去

知縣翁延緒募勇瓜源

初邑侯翁入伊源命職員潘文鑾密約監生杜寅集勇
要截橫路旋以賊鋒逼近五月初八日翁公遂間道入
瓜源教職舒以長偕鄉局紳迅調團勇會合保舉知縣
吳希顏及張青蓮復勝方一元夏秉離羅國鈞葉昶化
酌等次于草坪尋同職員舒昇生員李浴盧維新率勇
駐薊田復由羅溪起勇進攻南渡長崙局與葛方授給
餉有差

縣城復

六月初八日李逆遣賊南下監生余丕謨教職舒以長
督勇連日接仗多斬獲十八日賊擁大隊且戰且走十
九日翁主會都司阿敦布把總吳鳳儀外委張魁鵬及
吳希顏羅燭予等四路設伏攻擊二十日賊開東門遁
翁主入城武邑自此肅清矣

武甯縣志

卷十九

武事

三

